

Na osnovu člana 152. stav (4) Zakona o zdravstvenoj zaštiti ("Službene novine Federacije BiH", br. 46/10 i 75/13), a u vezi sa članom 11. stav (4) Pravilnika o kontinuiranoj profesionalnoj edukaciji iz zdravstvenog menadžmenta ("Službene novine Federacije BiH", broj 6/20), Zavod za javno zdravstvo Federacije Bosne i Hercegovine (ZZJZ FBiH) u saradnji sa Ekonomskim fakultetom Univerziteta u Sarajevu (EFSA UNSA) i Medicinskim fakultetom Sveučilišta u Mostaru (MF SVMO), uz učešće Medicinskog fakulteta Univerziteta u Sarajevu, Ekonomskog fakulteta Sveučilišta u Mostaru i Ekonomskog fakulteta Univerziteta u Tuzli, uz saglasnost Federalnog ministra zdravstva, objavljuje

JAVNI OGLAS

za kontinuiranu profesionalnu edukaciju iz oblasti zdravstvenog menadžmenta

Federalno ministarstvo zdravstva u saradnji sa nosiocima edukacije iz zdravstvenog menadžmenta, organizuje nastavak provođenja kontinuirane profesionalne edukacije iz zdravstvenog menadžmenta, prema planu standardizirane edukacije (SHCE), u skladu sa članom 9. Pravilnika o kontinuiranoj profesionalnoj edukaciji iz zdravstvenog menadžmenta ("Službene novine Federacije BiH", broj 6/20), u daljnjem tekstu: Pravilnik o KPE.

Edukativni program obuhvata tri nivoa edukacije (SHCE 1, SHCE 2 i SHCE 3) u ukupnom trajanju od 265 sati nastave.

Nakon uspješno odslušane nastave i završene provjere znanja svakog nivoa, polaznici dobivaju certifikat ovjeren od strane Federalnog ministarstva zdravstva, koji ima snagu javne isprave i dokaz je o poznavanju određenog nivoa zdravstvenog menadžmenta.

U skladu sa članom 12. Pravilnika o KPE, edukacija iz zdravstvenog menadžmenta je dostupna zdravstvenim radnicima, zdravstvenim saradnicima i drugim profesionalcima zaposlenim u zdravstvenim ustanovama, privatnim praksama, zavodima zdravstvenog osiguranja i ministarstvima zdravstva, kao i drugim pravnim licima u sistemu zdravstva Federacije BiH.

U skladu sa navedenim, u drugoj polovini 2022. godine nosioci i sunosioci edukacije planiraju organizovati edukaciju iz zdravstvenog menadžmenta za:

- grupu do 25 polaznika osnovnog nivoa edukacije – SHCE 1
- sve polaznike srednjeg nivoa edukacije – SHCE 2 koji su završili i uspješno prošli provjeru znanja iz SHCE 1
- sve polaznike naprednog nivoa edukacije – SHCE 3 koji su završili i uspješno prošli provjeru znanja iz SHCE 2

Početak edukacije planiran je u septembru 2022. godine.

Raspored edukacije za sve nivoe bit će objavljen na web stranicama EFSA UNSA, MFSVMO i ZZJZ FBiH nakon isteka roka prijave.

Zavisno od epidemiološke situacije u Federaciji BiH/BiH, prije početka edukacije donijet će se odluka o načinu provođenja edukacije, in class ili online.

Uslovi za upis na osnovni nivo edukacije:

- završen fakultet zdravstvenog ili drugog smjera, odnosno škola zdravstvenog ili drugog smjera;
- položen stručni ispit u stručnom zvanju samo za zdravstvene radnike.

Dokumenti koji se prilažu pri upisu na osnovninivo edukacije (SHCE 1):

- ovjerena fotokopija diplome o završenom fakultetu zdravstvenog ili drugog smjera, odnosno ovjerena fotokopija diplome o završenoj srednjoj školi zdravstvenog ili drugog smjera;
- uvjerenje o položenom stručnom ispitu (za zdravstvene radnike).

Ukoliko je neko od polaznika obavio edukaciju iz zdravstvenog menadžmenta u Federaciji BiH, odnosno izvan Federacije BiH, kao i u inostranstvu, potrebno je uz prijavu dostaviti i rješenje Federalnog ministra zdravstva o priznavanju navedene edukacije izdato u skladu sa članom 43. Pravilnika o KPE.

Polaznici koji su uspješno završili edukaciju iz osnovnog i srednjeg nivoa edukacije po Planu i Programu iz Pravilnika o KPE, trebaju samo popuniti prijavnicu i dostaviti je na e-mail kontakt osoba u ZZJZ FBiH, ili MFSVMO ili EFSA UNSA.

Ukoliko zahtjev podnosi zdravstvena ustanova, privatna praksa kao i Zavod zdravstvenog osiguranja, posebni uslovi za neograničen broj svojih zaposlenika su:

- dokaz o ispunjavanju uslova za obavljanje zdravstvene djelatnosti, odnosno druge srodne djelatnosti u zdravstvenom sektoru, izdan od ovlaštenog organa.

Dokumenti koji se prilažu:

- rješenje o obavljanju zdravstvene djelatnosti
- rješenje o upisu u sudski registar (samo za pravna lica).

Prijavnica za učešće na edukativnom programu je dostupna na web stranici ZZJZ FBiH (www.zzjzfbih.ba), EFSA UNSA (www.efsa.unsa.ba) i MFSVMO (www.mefmo.ba)

Kandidati koji upisuju osnovninivo edukacije trebaju ispravno popunjenu prijavnicu sa potrebnim dokumentima, u zatvorenoj koverti, lično ili putem pošte dostaviti u Federalno ministarstvo zdravstva, Ul. Maršala Tita br. 9, 71000 Sarajevo.

Na koverti navesti: *Dokumentacija za kontinuiranu profesionalnu edukaciju iz zdravstvenog menadžmenta.*

Javni oglas se objavljuje na web stranici ZZJZ FBiH (www.zzjzfbih.ba), EFSA UNSA (www.efsa.unsa.ba) i MF SVMO (www.mefmo.ba), kao i u dnevnim listovima: „Večernji list“ i „Dnevni avaz“.

Rok za podnošenje prijave traje do 05.09.2022. godine.

Troškovi kotizacije po polazniku iznose:

za osnovninivo, SHCE 1	1.600,00 KM
za srednji nivo, SHCE 2	1.800,00 KM
za napredninivo, SHCE 3	2.300,00 KM

Obaveza polaznika je, da do početka nastave iz nivoa edukacije za koji se prijavljuju, uplate 1/3 iznosa kotizacije određene za taj nivo. Potvrdu o uplati polaznici su obavezni donijeti prvi dan predavanja, jer bez potvrde neće moći prisustvovati nastavi.

Račun na koji će se vršiti uplata i potrebna uputstva, bit će dostavljeni naknadno.

Za detaljnije informacije kontaktirati:

Zavod za javno zdravstvo Federacije BiH

Vukovarska br. 46, 88000 Mostar

Tel.: + 387 36382 132

Fax.: + 387 36382116

E-mail: i.prljic@zzjzfbih.ba

ili z.vucina@zzjzfbih.ba

Ekonomski fakultet Univerziteta u Sarajevu;

Poslovna akademija EFSA UNSA

Skenderija br.70, 71000 Sarajevo

Tel: + 387 33 564 354

Fax: +387 33 564 371

E-mail: lela.grubescic@efsa.unsa.ba

Medicinski fakultet Sveučilišta u Mostaru

Bijeli Brijeg bb,88000 Mostar

Tel/fax: +387 36 335 600

E-mail: danijel.pravdic@gmail.com
